

Seguransa Ahi Uma nian

PREVENSAUN AHI
NIAN MAK HA'U-NIA
INTENSAUN



Dika sira ba prevensaun ahi nian iha uma



**FIRE
RESCUE**
VICTORIA



Seguransa ahi nian hahú iha uma


Ahi iha Ita-Boot nia uma bele halo aat, bele mós fatál. Bainhira ahi hahú, nia bele lekar lailais no tau Ita-Boot no Ita-Boot nia ema doben sira iha risku. Enkuantu perigu ahi sira-ne'e réal, iha buat barak ne'ebé Ita-Boot bele halo hodi proteje Ita-Boot nia an, Ita-Boot nia família no Ita-Boot nia uma.

Servisu ahi no salvamentu Victoria nian ne'e iha kompromisu atu mantein comunidade sira-nia seguransa liuhosi fahe estratejia no informasaun seguransa ahi iha uma ho sidadaun sira iha Victoria.

Labarik nurak, ferik-katuas, ema ho invalidés no fumadór sira hetan risku aas atu hetan kanek ka la bele seguru iha sira-nia uma rasik.

Konsellu iha livretu ida-ne'e sei tulun Ita-Boot aprende oinsá Ita-Boot bele prevene ahi iha uma no halo Ita-Boot nia ema doben sira seguru. Halo Ita-Boot nia ahi iha uma seguru no hatene atu halo saida bainhira ahi-sunu akontese ne'e bele sai diferenza entre moris no mate.

Buka símbolu ! ida-ne'ebé salienta mensajen ka dika be importante kona-ba seguransa.



**OLÁ, HA'U FRANKIE
SIRA TUIRMAI NE'E MAK HA'U-NIA
DIKA KAPÁS LIUHOTU KONA-BA
SEGURANSA AHI NIAN:**

- 🔥 Soi alarma suar ne'ebé funciona nafatin no prova nia regularmente.
- 🔥 Buka risku ahi iha uma laran.
- 🔥 Halo planu atu sai hosi ahi-sunu no pratika nia regularmente.
- 🔥 Se ahi mosu iha Ita-Boot nia uma, sai hosi uma, hasees an no dere ba Zeru Triplu (000).

Ahi sira mosu lailais!



Oras ne'e, alarma suar sira bele detekta ahi ne'e no fó-hatene Ita-Boot nia família.



Se lahó avizu, ita la bele detekta ahi. Nia sei lailais tahan, no halakon suar raso nian.



Ahi ne'e atinje nivel ne'ebé boot liu duké 800 grau Celsius. Ahi sei sunu konteúdu hotu-hotu iha kuartu ida nia laran no ahi ne'e sei lekar ba kuartu seluk iha uma laran.

Alarma suar sira



! Alarma suar ativu de'it mak bele salva moris.

Ita-Boot posivel liu atu mate iha ahi uma laran se lahó alarma suar ne'ebé funsiona daudaun.

Alarma suar ne'e hafó Ita-Boot avizu sedu kontra ahi no fó Ita-Boot tempu atu sai husik uma seguramente. Ita-Boot soi pelumenus alarma suar ida iha andár hotu-hotu uma nian.

Atu hetan informasaun liután kona-ba alarma suar, vizita frv.vic.gov.au no cfa.vic.gov.au

Alarma suar espesializadu sira disponivel ba ema sira-ne'ebé tilun-diuk ka susar atu rona, no bele mós liga ba alarma pesoál sira-ne'ebé ema tuan sira uza ka ema ho invalidés sira uza. Atu hetan informasaun liután, bele vizita expression.com.au

**LABELE ALARMADU,
HALO TUIR DAKA SIRA
TUIRMAI:**

- 🔥 Se Ita-Boot uza alarma suar ho pilla 9-volt, troka pilla ne'e tinan-tinan.
- 🔥 Hamoos rai-rahun hosi Ita-Boot nia alarma suar nia parte li'ur pelumenus dala ida tinan ida.
- 🔥 Se Ita-Boot nia alarma suar ne'e fó-sai sinál lian ida, hosi tempu ba tempu, presiza atu troka pilla ne'e ka alarma suar ne'e bele aat ona no tenke troka.





! Servisu bombeiru Australianu rekomenda alarma suar sira instaladu iha área moris nian, koredór no toba-fatin sira.

Instala alarma suar ho pilla ne'ebé tahan to'o tinan 10.

Servisu bombeiru no salvamentu Victoria nian rekomenda katak alarma suar sira interkonektadu atu bainhira alarma ruma ativu, alarma suar sira fô-sai lian.


Bainhira toba hela, Ita-Boot la bele horon buat ruma. Alarma suar sei fó Ita-Boot sinál bainhira iha ahi-suar ruma.



Atu prova, hanehan butaun teste nian iha alarma suar fulafulan, no hein atu rona lian 'bip, bip, bip'. Se rona 'bip', ne'e katak alarma suar sei funsiona hela.



Troka alarma suar hotu-hotu kada tinan 10 ho unidade pilla litiu ida.



Instala iha kakuluk-laran ida iha andár ida-idak uma nian pelumenus 30cm dook hosi uma-didin (parede).

Planu hodi sai hosi ahi-lakan iha uma laran

La importante Ita-Boot hela iha uma oinsá, vitál atu Ita-Boot hatene atu halo saida se ahi mosu.



**SE ITA-BOOT HAREE AHI,
SAI HOSI RUMA NO HASEES AN**

- 🔥 Hamoos sai-fatin sira.
- 🔥 Sempre husik xave sira iha odamatan be naktaka no ekrán seguransa sira bainhira Ita-Boot iha uma laran hela atu Ita-Boot bele sai hosi uma bainhira ahi mosu.



! Importante atu iha planu hodi sai hosi uma bainhira mosu situasaun emerjénsia.

- Proteje an iha fatin kraik, no hasées an hosi suar.
- Fó alerta ema seluk bainhira sai hosi uma.
- Se bele halo, taka odamatan bainhira sai hosi uma.
- Sai hosi uma no hela de'it iha li'ur.
- Buka fatin seguru ida iha Ita-Boot nia uma li'ur, porezemplu kaixa-korreiu ka estrada-ninin.
- Dere Zeru Triplu (000) no husu FIRE (Bombeiru).



Planu halai-sai hosi uma ne'ebé planeadu no pratikadu bele salva Ita-Boot nia moris, haree pájina 19.



Asegura katak númeru Ita-Boot nia uma nian bele haree moos hosi lurón.



Se Ita-Boot hela iha edifísiu aas, buka hatene sai-fatin sira iha parte ne'ebé, no tenke sempre hili eskada sira.

SE ITA-BOOT LA BELE HALAI SAI...

- 🔥 Se seguru, taka odamatan ba kuartu bele ahi sunu.
- 🔥 Sees dook komu posivel hosi suar no ahi.
- 🔥 Dere Zeru Triplu (000), husu ba FIRE no dehan katak Ita-Boot presiza halai sai- labele hamate telefone.



Elétriku


Ahi elétriku sira mak ahi baibain iha uma laran.

Atu hetan informasaun liután kona-ba seguransa elétrika, vizita sítiu Energy Safe Victoria iha esv.vic.gov.au

SENE' EELÉTRITU, ASEGURA AN NO HAREE TOOK

- 🔥 Ekipamentu elétriku hotu-hotu tenke soi Padraun Australianu ka Marka Konformidade Regulamentár ida.
- 🔥 Asegura katak panél elétriku sira hetan protesaun kontra sobrekarga no la naktaka ho buat ruma, porezemplu xumasu no edredaun sira.





! Sasán elétriku sira iha uma laran ne'e bele inklui fonte-enerjia, aparelu fiksi sira, aparelu portátil sira, plaka-enerjia sira no kabu-estensaun sira.

Importante atu mantein ain-dalan ne'ebé di'ak hale'u sasán no aparelu elétriku sira no hasai buat ruma hosi sasán sira-ne'e nia sorin-sorin ka sira-nia leten.

Só uza ema sertifikadu sira ho matenek elétriku hodi hadi'a aparelu, kablajen ka ekipamentu elétriku ruma ne'ebé aat ka sala.



Liga dispozitivu ida de'it iha tomada ida-idak. Lalika sobrekarrega plaka-enerjia sira. Lalika liga ho dalan 'tula malu' iha tomada ida ka uza adaptór duplu sira.



Asegura katak Ita-Boot la rai aparelu elétriku sira hanesan sekadór-fuuk, alizadór-fuuk no komputadór portátil sira iha fatin belak ruma ne'ebé ahi bele sunu.



Só uza dispozitivu-karregamentu sira-ne'ebé aprovalu. Karrega aparelu sira iha fatin belak ne'ebé ahi la sunu no dada sai lailais bainhira sira nakonu tiha ona.



Sempre husik mákina hamaran-roupa atu ramata lai siklu malirin nian molok atu hapara. Hamoos lai filtru-kotaun molok atu uza kada vés.

Dapur no te'in

Dapur mak kuartu ne'ebé ahi-sunu barak liuhotu bele akontese iha uma laran.



Te'in hela maibé husik hela te'in-fatin ne'ebé mak kauza baibain liuhotu ba ahi-sunu iha dapur laran, entaun asegura atu haree bainhira Ita-Boot te'in hela.





HAREE NAFATIN BAINHIRA TE'IN HELA

- 🔥 Verifika katak fogaun, fogaun-elétriku, fornu no fonte manas sira seluk mate ona molok atu husik uma ka bá toba.
- 🔥 Lalika uza bee hodi hamate ahi ida-ne'ebé lakan tanba mina.
- 🔥 Sempre kontrola labarik sira iha dapur.



Hasees sasán sira-ne'ebé naksunu lailais pelumenus metru 1 hosi te'in-fatin no fonte manas nian.



Estintór no kobertór-ahi ida tenke tau iha kada dapur. Uza de'it se Ita-Boot hanoin katak ne'e seguru.




Mantein fogaun, grelladór, fornu, exaustór no área te'in nian livre hosi gordura no mina ne'ebé akumuladu.

Hamanas

Akesedór sira sai kauza ida-ne'ebé boot ba ahi-sunu, liuliu durante tempu invernu.

Atu hetan informasaun liután, vizita sítiu Seguransa Enerjia Victoria nian iha esv.vic.gov.au



**HAMATE LAI AKESEDÓR
MOLOK ATU BÁ TOBA**

- 🔥 Asegura katak tékniku ida be sertifikadu hamoos no hadi'a regularmente akesimentu uma nian, inklui suar-dalan no xaminé sira.
- 🔥 Hamate lai akesedór hotu no hamate ahi be lakan hela molok atu filafali ba uma ka atu bá toba.





Tau sasán sira-ne'ebé ahi bele sunu lailais pelumenus metru 1 dook hosi fonte hamanas hotu-hotu.



Verifikasi katak ahi-klaan sira malirin ona molok atu soe.




Tenke superviza labarik sira bainhira sira besik ho akседór no ahi ne'ebé lakan hela.

Sigarru no ahi ne'ebé lakan hela

Sigarru, lilin, insensu no keimadór mina bele hamosu ahi-sunu. Sempre hamate ahi-lakan ruma ka sigarru molok atu husik uma ka atu bá toba.

! Uza só lilin, insensu no keimadór mina sira iha superfísie estavel ne'ebé ahi sei la sunu.






MANTEIN NIA, LABELE HAMA TE NIA

- 🔥 Labele fuma iha kama leten. Fuma iha kama ne'e ida hosi kauza importante ba mate ne'ebé nakait ba ahi.
- 🔥 Tenke sempre superviza ahi ne'ebé lakan hela.
- 🔥 Mantein atu iskeiru, ahi-kose, lilin, insensu no keimadór mina dook hosi labarik sira.
- 🔥 Konsidera alternativu ida ba lilin be lakan hela, porezemplu lilin ne'ebé funsiona ho pillá.



Hamate sigarru iha sinzeiru sira-ne'ebé todan no iha ninin aas no aseguira katak sira mate ona molok atu soe.



Mantein atu kortina no sasán sira seluk ne'ebé ahi bele sunu ne'e dook pelumenus metru 1 hosi ahi be sunu hela.



! Sigarru sira-ne'ebé ema soe kauza tiha ona AHI BOOT LIU iha edifísiu ho andár barak.

Mantein nia, labele hamate; liuliu se Ita-Boot hela iha edifísiu ho andár barak.

Iha uma nia li'ur

Karik Ita-Boot nia uma soi balkaun, kintál, bangasál, garajen ka konvés. Ahi sira bele sai boot lailais tanba iha sasán sira hanesan botija-gás, lata-gazolina no kímiku sira seluk.





La iha kafu'ak, la iha problema!

Asegura katak mangeira-gás ba BBQ la lakon, no katak konesaun ne'e metin. Haree ho bee-sabaun atu haree iha suli ka lae.



Hamoos regularmente Ita-Boot nia BBQ hosi gordura no akumulasaun gordura nian, inklui resipiente-gotejamentu.



Só uza BBQ li'ur nian no mantein distánsia pelumenus 50cm hosi didin ka lutu hotu-hotu. Labele husik saida bele te'in hela.


RAI ITA-BOOT NIA SASÁN KÍMIKU SIRA SEGURAMENTE

- 🔥 Iha Ita-Boot nia bangasál ka garajen, tau produktu kímiku hanesan gazolina dook hosi fonte ignisaun no labele besik ho labarik sira.
- 🔥 Se Ita-Boot la uza ona buat sira-ne'e, soe buat kímiku sira-ne'e ho dalan loos no seguru. Atu hetan informasaun liután, vizita sustainability.vic.gov.au/detoxyourhome

Lista-verifikasaun seguransa nian kontra ahi-lakan

- Soi alarma suar no prova sira regularmente.
- Soi planu halai-sai hosi uma ne'ebé planeadu no pratikadu.
- Haree nafatin bainhira te'in hela.
- Liga dispozitivu elétriku ida de'it ba kada tomada plaka-enerjia nian (la iha adaptór duplu).
- Mantein sai-fatin sira atu moos.
- Mantein sasán sira-ne'ebé ahi bele sunu pelumenus metru 1 dook hosi fonte hamanas sira.
- Mantein atu iskeiru, ahi-kose, lilin, insensu no keimadór mina no sigarru sira dook hosi labarik sira.
- Rai sasán kímiku seguramente dook hosi fonte ignisaun no labele besik ho labarik sira.
- Sempre husik xave sira iha odamatan be naktaka no ekrán seguransa sira bainhira Ita-Boot iha uma laran hela atu Ita-Boot bele sai hosi uma bainhira ahi mosu.





! Importante atu soi planu halai-sai hosi uma ne'ebé ahi sunu atu Ita-Boot hatene oinsá bele sai lailais hosi Ita-Boot nia uma bainhira mosu situasaun emerjénsia ruma.

Ita-Boot nia hela-fatin

.....
.....
.....


Fatin-enkontru ne'ebé seguru

.....
.....
.....

**Planeia Ita-Boot nia halai-sai
Lembra pontu importante sira tuirmai:**

- Hatene dalan rua atu halai sai hosi kada kuartu.
- Taka odamatan hodi prevene ahi no suar ne'ebé lekar.
- Dolar kraik iha suar laran.
- Sai hosi uma. Fó alerta sira seluk.
- Bainhira iha li'ur, hela de'it iha li'ur. Labele tama fali ba uma laran!
- Hasoru malu iha fatin enkontru baibain iha uma nia oin, porezempu kaixa-korreius. Hein to'o momentu bombeiru sira mai.
- Telefona Zeru Triplu (000) hosi telefone besik liuhotu ne'ebé disponivel, porezemplu viziñu ida nia uma.

Ezemplu ida hosi planu halai-sai hosi uma ida.



Large grid area for drawing a floor plan.

Informasaun liután

Atu hetan informasaun liután, vizita sítiu web sira tuirmai:

Servisu bombeiru nian

Salvamentu Ahi Victoria nian
frv.vic.gov.au

Autoridade Bombeiru Rain nian
cfa.vic.gov.au

Sítiau web sira seluk

Seguransa Enerjia Victoria nian
esv.vic.gov.au

Servisu Tradusaun no Durubasa nian
tisonational.gov.au

VicEmergency
emergency.vic.gov.au

Espresaun Austrália
expression.com.au

Departamentu Família, Ekidade no
Abitasaun
vic.gov.au/department-families-fairness-and-housing

Seguransa Labarik Victoria nian
kidsafevic.com.au

Jestaun Emerjénsia Victoria nian
emv.vic.gov.au

Sustentabilidade Victoria nian
sustainability.vic.gov.au

Autoridade Konstrusaun Victoria nian
vba.vic.gov.au

